

DE ROBORE  
BELLICO  
DIVTURNS ET AMPLIS  
CATHOLICORVM REGNIS

LIBER VNVS.

ADVERSVS MACCHIAVELLVM.

AUCTORE  
THOMÆ BOZIO EVGVBINO  
*Presbytero Congregationis Oratorij.*



ROMÆ,  
*Ex Typographia Bartholomæi Bonfadini. M. D. XCIII.*  
SUPERIORVM PERMISSV.

SANCTISSIMO

AC BEATISSIMO

PATRI ET D. N.

CLEMENTI VIII.

PONT. MAX.



THOMAS BOZIVS

*Presbyter Congregationis Oratorij*

*sempiternam felicitatem.*



Nter alia multa, quæ Macchia uellus dixit aduersus Christianam religionem, Pontifices Maximos, ac denique aduersus omnium Virtutum genuina officia, solidamque veritatem, sunt hæc, quæ suscepimus hoc libro confutanda.

A Christiana religione fieri homines ignavos, & imbelles. Hortatur namque ad honores humanos, & opes despiciendas; vetat iniurias vindicari; ait præstare, vt vnâ maxillam per-

\*

2

cutien-

DE ROBORE BELLICO  
DIUTURNIS, ET AMPLIS  
CATHOLICORVM REGNIS  
ADVERSVS MACCHIAVELLVM.

AD LECTOREM

Operis Prohemium.

*Multis probatur esse fortioris sustinere quam aggredi. idcirco iure fieri plaris iniuriarum patientes, quam Victores ab Ecclesia Catholica. milites non efferos, sed mansuetos esse debere. e proprietatibus Leonis iuxta Aristotelem describitur miles Catholicus contra Macchianellum.*



**F**ORTITVDINIS duæ dicuntur esse partes sustinere, & aggredi: Ac prima quidem timorem, secunda moderatur audaciã, præscribuntq. ambæ mediocritatem, ne scilicet plus minusve audeamus, aut timeamus, quam decet; ac nequa istarum perturbationũ nos abducatur ab officio virtutum. Statueruntq. nõ modo Theologi summi e nostris, sed etiam Philosophorũ præstantissimi primam partem longè esse nobiliorem secunda. Nã fortitudinis excellentia potissimum versatur in exantlandis duris quibuslibet. At nihil æque durũ, quam perpeti aliquod acerbum, nam quõ magis fuerit acerbum, eõ magis conabitur auelere nos a semita virtutis, ac proinde ab ea nõ recedere laudabilius erit iudicadũ. Rursus qui sustinet aliquid doloris, diutius, atq; immobilis persistit in præstado virtutis officio, quam qui audacter fertur in obstantia. Hic enim mouetur, ac repellit illud, in quo exercet vim suam, & ad nihilum redigere conatur.

*Ille velut pelagi rupes immota resistit;*

hosp

\*\*

Vt

S.Tho.2.2.q.  
123.art.6.  
Aris.eth.lib.  
3.c.6.10.11.